

# Lawatan Ilmiah & Pemantapan Teater

Oleh ; Mohd Izwan Izhar Haris

Kuala Lumpur, 20-22 Mac 2009, Seramai lebih kurang 20 orang pelajar UniMAP yang terdiri daripada ahli Kelab Teater UniMAP UniSTAGE serta diiringi oleh 2 orang Pegawai iaitu En. Muhamad Nazri Muhamad Khalid dan En. Mohd Izwan Izhar Haris yang juga merupakan Penasihat bagi kelab ini telah menyertai lawatan ilmiah, bagi memantapkan pengetahuan serta persembahan mereka dalam seni teater. Pengisian lawatan ini telah dimulakan ke Malaysian Tourism Center atau lebih dikenali dengan nama MATIC, Jalan Ampang dan turut menyaksikan Teater Muzikal Ibu Zain arahan oleh Rosminah Tahir. Disini juga ahli kelab berkesempatan untuk berjumpa dan menemuramah dengan Pengarah teater ini dan mengajukan beberapa soalan mengenai pengalaman pengarah, persiapan sebelum persembahan (pre-pro), semasa persembahan serta aspek teknikal yang telah ditekankan pada teater yang mengisarkan tokoh terkemuka wanita di Malaysia ini. Selain itu juga, mereka sempat menemuramah barisan pelakon yang berpengalaman seperti Dato' Jalalludin Hassan, Dato' Rahim Razali, dan Hamzah Tahir.

Seterusnya pengisian lawatan diteruskan ke Istana Budaya, Kuala Lumpur yang merupakan panggung teater 5 bintang dan bertaraf Antarabangsa. Disini, mereka berkesempatan menyaksikan teater Sirah Junjungan-Tahjud Cinta arahan pengarah terkenal Erma Fatima. Cerita ini mengisarkan perjalanan Rasulullah dalam menyebarkan Agama Islam. Para pelajar dapat melihat dengan secara langsung mengenai pementasan teater yang dibarisi oleh para pelakon Profesional. Dalam masa yang sama,

mereka dapat melihat secara lebih dekat lagi, bagaimana mekanisme pergerakan pentas yang canggih serta props-props yang menarik dipentaskan dalam sesuatu persembahan teater. Disamping itu juga, mereka dapat melihat bagaimana sesuatu persembahan muzik dalam Teater Muzikal yang dimainkan secara Live oleh pemuzik orkestra dan kumpulan koir. Sememangnya hasil dari lawatan seperti ini, sedikit sebanyak memberikan ilmu dan pengalaman secara tidak langsung kepada ahli kelab ini samada dari sudut depan tabir ataupun belakang tabir. Segala pengalaman yang diperolehi ini akan dipraktikkan bagi memantapkan lagi persembahan serta mengharungi pertandingan-pertandingan seumpama seperti Dekon MAKUM, Festival Teater MAKUM yang bakal diadakan kelak. Semoga berjaya UniSTAGE!

